



Manúic Blékgorá ar Gulami gorá

Manúic blékgorá arde gulami gorá Australíat bicí hótara jurúm ókkol.

Manúic blékgorá arde gulami gorá kaanun or hélaf.

Jurúm goréde manúic uggwá ziyól ót zai fare, tará morot fua óuk yá maiya fua óuk.

Zodi tuñí yá tuñí zanodé manúic honíkka hótarat táke fulic oré koól goró **000**.

Australíat máze fulic héfazot óla ar bórusa goráza.

Zodi tuáñrtu maana hotá báñgi douya uggwá lage **131 450** ót koól goró.

Australíar Hókumot e manúic blékgorá arde noya gulami gorá ré bordac nogoré honó háalot ókkol ór andhár ót.

Manúic blékgorá arde gulami gorá óiza zehón maincóre mojburi háalot ot máze bolazuri goráza oinno manúic uggwár fáaidalla bóuli. lín manúic, maiya-fuain arde gura fuain dór uore óifare. Manúic blékgorá arde gulami gorát cámil táki faredé:

- harhánat ókkol ót gulami gorá, gulamir dhóilla gorá yá bolazuri hamgorá zeén néki hópital, rastar gór bañdá, gas haça, meçi kurá yá kėti gorá, bazáiya taalukat ókkol;
- koros bañdá;
- jínsi fáaida tulá;
- bolazuri biyágorá; yá
- gaar foruza neelaibár moksót ólla blékgorá.

Manúic blékgorá arde gulami gorá óilde luwaiya jurúm ókkol.

Manúic blékgorá arde gulami gorá óilde jurúm ókkol ziyán ótfaité mockil óitfare. Maincé modot no tuait fare kiálla hoilé tarár mojburi goróyar torfóttu tará bodola loibou bouli dhora yá tarár híjoroti tobka áraibou bóuli dhora.

Alamot ókkol ziyán é manúic uggwá blékgorá zardé yían icára gorí fare éçe manúic uggwá hoçe cámil óitfare dé:

- mojburi gorágiye, dómki diyagiyé yá ham ólla zurgorá giyé;
- nazuk hamor háalot ókkol ór nise raká;
- thiañ diya noó za yá daházar dé bicí dhoóñr horzo tarár girós óre diya forer yá oinno tesára paáthi ré;
- tarár paásputh yá oinno zati habosfonna ókkol tesára paáthi uggwá yé loi raikké, ar habosfonna iín loi nofarér zehón taráttu lage.

Tuñí, yá tuñí zanodé éndila honíkka, hótarat asé né?

Zodi tuñí yá tuñí zanodé honíkka bútoe asé, yá manúic blékgorár hótarat yá gulamit táke tuñí **Australíar Féderel Fulic (Australian Federal Police - AFP)** 't taaluk gorí faribá **131 237** (131AFP) 't yá **AFP wébsáith** ot zo **www.afp.gov.au** 't modot ollá. AFP ye tuáñre héfazot rakí faribóu, mocuwara di faribóu ar hémayot ólla oinno hédmot ókkol ót háwala gorí faribóu, zeén néki tákibar zaga, foicár modot, mocuwara diya arde kaanuni arde híjototi mocuwara.

Manúic Blékgorá Prugram Hémayot ólla (Support for Trafficked People Program) ré Hókumot e thiañ de ar Australíar Rédh Króss (Australian Red Cross) ór torfóttu foónsa maincóre modot dibellá zará manúic blékgoróya yá gulamir cíkar.

Éçe Australíat oinno hédmot ókkol asé ziyán é tuáñre modot gorífare.

1800RESPECT óilde Australíar koumi jíns ór dóradóri, fémlí arde górwali maramari mocowarar hédmot (Australia's national sexual assault, family and domestic violence counselling service). Yían é maana gufoniya telifún arde onláin mocuwara ar maalamat de. Mocuwara douya ókkol é tuáñr hotá fúnibou ar súal ókkol ór zuab ókkol dibou ar tuáñr nizor zagat aséde oinno hédmotor hañse tuáñre háwala gorí faribóu.

Koól goró **1800 737 732** ót yá **1800RESPECT wébsáith** ót zo **www.1800RESPECT.org.au** ot mazé.

Tuáñrtu hotá bāñgidouya uggwá lager né?

Torjuma arde Hotá bāñgidiyar Hédmot (Translating and Interpreting Service) ot koól goró (TIS) **131 450** nombór ót. TIS óttu hotá bāñgidouya ekzon e tuáñre modot gorí faribóu oinno hédmot ókkol lói taaluk goribélla, mogor TIS é mocuwara diya nogoré. Koól beggún maana ar gufoniya.

Australíat manúic blékgorá arde gulami gorár aró bicí maalamat:

Manúic Blékgorá Prugram or hémayot ólla aró maalamat zanibélla Sómaji Hédmot Dipáthmén ór wébsáith ot zo **www.dss.gov.au** ot yá Australíar Rédh Króss wébsáith **www.redcross.org.au** ot. Tuñí yó Australíar Rédh Króss ót eméil gorífaribá **national_stpp@redcross.org.au** ot.

Manúic blékgorá arde gulami gorár uore aró maalamat ollá, Góror Maamela ókkol ór Dipáthmen ór wébsáith ot zo **www.homeaffairs.gov.au** ót yá Australíar Féderel Fulic wébsáith **www.afp.gov.au** ot máze ar "manúic blékgorá" ólla tuwo.